

結炁而成體也故我受形形亦非我形也寄之爲形示之以相故得道之者無復有形也一切衆生有諸患者爲有身矣有身則有百惡生死隨形若能行心合真道則並也身神既備則爲真人歸於無形而成道也無復患也終不死也形不灰也終身歸其本也一切衆生若乃身犯百惡當歷衆苦未可得還生也此善惡之身各有緣對豈可咎於冥聖矣諸天無極世界一切衆生汝等道民但當抄寫此經散施轉讀此經功德不可思議上解天災下濟長夜抄寫之福資益生生轉念之功富貴無極

遭瘟疫或患風狂或運炁爲災或凶星降禍則當嚴持家宇設像焚香禮誦此經諸災自愈世世生生得福無量我等天衆常當擁護諸善男女若有禮誦此經之處供設玄象之家無災不解無禍不穰應願剋成百福咸臻汝等衆生宜依教勅爾時衆真稽首奉行而說頌曰
正一法王 無爲教主 含陰吐陽 天地父母
九九化生 萬物宗祖 慧海淵澄 法源廣大
威制萬天 垂道三界 品彙荷恩 群動有賴
力濟無窮 存亡皆奉 盡沐玄功 冥超聖域

太上太玄女青三元品誡拔罪妙經卷下

元始天尊說變化空洞妙經 辰四
元始天尊遷駕於西那天鬱察山浮羅之嶽丹玄之阿坐七寶瓊林窈木之下身佩九色離羅之帔飛森之袍巾須臾百變之冠帶晨光日鈴育延之劍高真侍座五十萬人是時乃命五老上真仙都左公披玉霜七色紫寶鳳羽之笈敷落五篇赤書真文吟詠變化空洞上經瓊音四激妙響八陳振風朱素高會萬神玄範流秀紫虛飾裝上聖懽悅普散瓊光諸天踴躍靡不開朗香華枝樂無鞅數量慶煙八會金風四暢三景停暉七靈皓暎八道煥明洞觀无境嘯朗上都神惠遐曠疑真內溢放神獨往炁輕重膏縱體五象耀龍文於碧津煥綠雲於蔚上肆曲精于蘭林宴飛蓋乎八景抗龍轡於清嶺逸鳳車以高仰躡空洞以散雲迅丹轅以流驂躡九霞以水目凌三天而解想颺長煙以浮蔭舒日華以拂朗命太陽以吐威并奔電以激響流鈴交煥四絕翳莽道遙玄覺觀化大像濯津蘭池洗穢滄浪鍊魂碧波上會道場金神煥落六度

伏辟理化九絕和永水長頤怡內歛惠講外
 融洞靈陶運合真吐章俯仰空洞變化為王
 太上道德普冠神宗魏魏大範諸天所崇矣
 妙真既煥萬炁並歸冥感玄通大寂洞微理
 妙合暢沈澄紫暉驚浪幽虛總持上機宏落
 九冥日門廓開戡翼上館靈化二儀琳琅激
 籟萬響自哀驚鳴蘭園鳳嘯雲梯馬駭絕宅
 龍奔玄河七元息蓋三景停回仙皇掄轡元
 君啓扉上整未成下投四至俄頃之間條歛
 九圍冥會八衝洞幽入微太帝扶輪五老執
 麾金虎前驅天騶後追猛馬張喙毒獸吐威
 天丁攝邪赤書捕非天魔疫炁萬精消推玉
 真校誠大小無遺三天正道六炁奔馳冥惠
 洗穢滌蕩寒池道觀重明靈化九徊大有四
 通五域齊平颺放無礙適心所營蕩蕩太初
 遼遼遐清皇流應運萬真自生森羅蔚秀龍
 幹敷榮群類亂葩朱景振瓊騰翮紫霄凌翰
 玉清二象輕光八道高明月女煦華日童揚
 精流灌諸天合會八冥百和散韻芳風亂逞
 眇眇澄神飛輪羽青暉光燦爛流灑七城金

童執巾紫妃抱嬰灌津玉霄散華朱庭霧樹
 鼓條圓象秀英萬有廓開籟響空青最音發
 章鳳歌亦鳴希微常韻鸞鳴合弁慶烟交咨
 朱火金鈴炁不受翳景澄自萌窈窕上虛可
 以忘情高注下炁布神遐征愍世悼俗俯和
 生生是故玉洲上刻黃錄之簡帝一則書大
 有之名大漠則漢玉府之炁無何則握浩劫
 之齡能斂屬於變化則延康而无傾研修於
 空洞則萬神自然寧俯吟空洞章萬鬼无費
 形妙哉靈威嚴廣停鏡魏德宗上聖之至靈
 也於是命五老上真仙都左仙出變化空洞
 八道之要以示來世修學之士使研習精妙
 而登仙也
 立春之日日中時高真大神會諸仙人於太
 極上官剋定玉簡金札紫文記得仙之人名
 題於玄格列字於方諸其日天地水官五嶽
 真靈四海大神皆乘八景玉輿五色雲軒任
 御朱鳳或乘飛龍仙童玉女十億萬人手把
 幢幡散華燒香浮空而行洞暎諸天履行八
 方各執學仙簿錄上論太極官對校功過糾

簡善惡為三官所舉五帝所保即書名玉簡
 勅錄太極官勅告萬靈右別司迎有犯禁戒
 罪名列於九府刑目繫於三官為四司所執
 五帝所糾皆削除簿錄移付鬼官善惡即判
 三日集議諸天日月星宿地上萬靈莫不振
 肅為學之士常以其日沐浴清齋日中入室
 夜半露身北向再拜叩頭掉頰九過自陳己
 身學真以來所犯沈匿惡過難赦之愆不原
 之罪隨事首謝當令心虛意玄內外空盡无
 所隱藏乞丐解釋拔出七玄幽魂上昇我身
 飛仙畢叩齒九通微呪曰
 北玄高真太極上仙玄虛萬萬靈化千千日
 吉時良上會高晨三景冥合八炁敷陳四司
 開校五帝定仙乞除宿過削滅罪根書名九
 天勅錄靈軒披散七祖仰享玄恩萬願刻會
 靡不如言畢便服太極錄鑿定真靈生之符
 仰嚙九過止行此道八年則玉名列簡於大
 極上觀當為太極諸仙人論光之身剋得飛
 行上昇上清
 春分之日日中時崑崙瑤臺太素真人會諸

仙官於瑤臺之上揀定真經及學者功業當此之日天地水官五嶽四真神仙大神皆來乘雲與羽蓋十二飛龍仙童玉女散華燒香手執華幡浮空而行周觀八方上詣瑤臺條錄學者所修經業輕重採授上真三日集議諸天日月星宿及地上萬靈莫不振肅為學之士其日當清齋日中入室夜半露身燒香誦經北向再拜叩頭搏頰九過自陳首謝已身學法以來所犯禁戒違負經科漏慢天文輕泄之罪乞丐原除又乞解救罪咎延累七祖考罰拔出幽魂離三塗五苦之中窮魂上昇我身獲仙畢叩齒九通微呪曰
太素上真高仙太靈今日上告慶雲回輶宴景瑤臺會具紫庭簡校簿籍落罪勦生五帝定錄東華記名道合上願我稟妙經萬遍待駕上希神靈玉帝開赦所向剋定變景易骨飛昇太清畢便服太素瑤臺通真變仙寶符仰嚙九過止行此道八年致太素真人降房目覩神形剋得上昇飛昇瑤臺八素上宮立夏之日日中時五帝會諸仙人於紫微宮

列太極四真人校定學道功過簿目當此之日諸天司直河海水帝及五嶽神靈皆乘雲與羽蓋飛龍朱鳳仙童玉女燒香散華浮空而行手執華幡五色流鈴森然俱至上登紫微宮條列學者功過簡校簿籍三日集議分別善惡當此之時諸天日月五星及地上眾靈莫不振肅學者當以其日清齋日中入室夜半露身北向脫巾叩頭搏頰九過首謝已身為學以來所犯禁戒違替輕慢之罪心懷陰惡不忠不孝姤逆害不信之愆並乞原除七玄考責之魂拔度三塗五難之中去離幽役上昇福堂願乞神仙飛行上清畢叩齒九通微呪曰
五炁回靈總真高四極監暎普告萬靈檢察三官上條功程有勤勤錄无善落生三光垂飾五帝鍊精變景化骨仰享大靈上願飛仙身屏紫庭中願九天書字金名下願無極長天不傾三願九合莫不剋成畢便服紫微靈都真符仰嚙九過止行此道八年則致五帝降房與靈交真罪散福會飛昇上清

夏至之日日中時天上三官會於司命上宮集河侯水帝校定萬民功過簿錄增年減算其日則九天司命及諸天上真五嶽五帝神靈皆乘五色雲與飛龍羽蓋導從仙官履行天下浮空而行森然俱至上論司命官校定簿錄有罪減算有功增年三日集議分別善惡當此之時諸天日月五星及地上眾靈莫不振肅學者以其日清齋日中入室夜半露身燒香誦經修行至道北向脫巾叩頭搏頰九過首謝已身為學以來所犯輕慢天地觸犯三光泄真露道漏慢天文違科犯戒之罪並乞原除解釋七祖令得去離三官之中五難之下昇遷玄宮我身飛昇畢叩齒九通微呪曰
三官九府太上眾真携景帝房司命校年招會河侯十二水神檢定罪籍及得玉篇有善者記犯惡者言今日普算仰希玄思乞除宿對分散萬愆七祖獲福我身飛仙名書九天保真玉晨畢便服司命長存符仰嚙九過止行此道八年則司命定錄太一勦功三官削

罪身得上仙

立秋之日日中時五嶽諸真人詣黃老君黃所雲庭山會諸仙官定天下神圖靈藥其日諸天上真九天丞相日月五帝五星天人並乘八景玉輿五色雲輶飛龍鳳凰結駟紛紜仙童玉女手執華幡燒香散華浮空歌唱履行諸天及宴五嶽森然俱至上登黃房簡校真人簿錄神圖靈藥三日集議當此之時諸天上真及地上衆靈莫不振肅道士修學遊行名山至其日皆當清齋二時燒香誦經服符嚔炁和調炁液灰心絕念注情玄真叩頭搏頰首謝己身所犯損喪精神穢亂三宮存思不真虧略科文觸犯天地日月星辰沈結宿愆並乞原除拔度七祖去離幽途窮魂上昇我身獲仙畢叩齒九通微呪曰

太上校仙黃老度符普告五嶽開算神圖名叅帝錄勒定丹書有勤者記有罪者除日吉時良萬炁清虛誦求所願靈藥芝華俯飲月精仰嘖日霞變化形景堯昇玄都畢便服中黃八道秘仙符仰嚔九通止行此道八年即

見神形賜丹芝靈藥飛行太空

秋分之日日中時上皇太帝乃登上清靈闕太微之館會太上三老君北極真公八海大神五嶽尊靈共集議天下萬兆之罪福記學道之勤怠副之司命君其日乃詣九天元尊九天父母高仙真人九靈仙母南極上元萬聖大神及五帝四極妙行仙人並乘八景玉輿紫雲之輪五色丹輶巨龍御鳳飛仙羽蓋九十萬重仙童玉女十億萬人手執九色之節十絕華幡煥落火鈴嘯歌雲宮燒香散華翁鶴上清太微之宮算定萬兆學士功過三日集議當此之時日月傾蓋星宿停機天地萬靈莫不振肅凡修學之士至其日當清齋日中入室夜半露身燒香誦經吐向脫巾叩頭搏頰首謝己身所犯輕慢天地日月星辰汗穢三光漏泄秘文違科犯戒萬沒之罪並乞原除自今更始唯蒙上聖宥以哀愍乞七祖窮魂上昇福堂我身堯仙畢叩齒九通微呪曰

皇上帝尊太微玄靈萬神校籍司命度生太

一捨符上元保精今日八會衆真合靈宿根結滯莫不開清記我玄錄削我罪名白元公子常與我并三元混合親見神形運我紫煙飛入帝庭畢便服靈都幽昇符仰嚔九通止行此道八年則萬神記識名書九天真人下降致兆飛仙

立冬之日日中時陽臺真人會諸仙官玉女於陽臺之上校定後學諸名山始得道簿錄其日諸天聖真及五嶽河海大神皆乘飛仙羽蓋十二飛龍五色流鈴十絕華幡燒香散華履行天下試觀萬民森然俱至上登陽臺簡校名錄為學之士當以其日清齋日中入室夜半露身燒香誦經存思神真北向叩頭搏頰首謝己身所行宿愆結過隨意自陳乞丐原赦拔度七祖解散幽魂上昇南宮我身獲仙畢叩齒九通微呪曰

太陽試觀萬神肅清四司五帝上簡玄名元皇開真除罪勒生上告八會所願剋成衆神敬祐飛昇太靈畢便服陽臺靈生玉符仰嚔九通止行此道八年剋得題名九天真人下

降飛昇帝房

冬至之日日中時天真衆仙皆詣方諸東華
太宮東海青童君制定衆仙錄金書內字其
日天人大聖衆元皇九微靈都大神皆乘八
景玉輿飛仙羽輪金煙紫蓋普天耀光五色
流鈴攝五嶽瀆濟河海神靈燒香散華浮空
而行天地試觀萬仙上詣方諸制定玄名三
日集議當此之日天地萬靈莫不振肅為學
之士至其日當清齋日中入室夜半露身燒
香誦經北向脫中叩頭搏頰首謝己身有識
以來所犯之罪隨意自陳乞丐原赦解救七
祖上昇南宮畢叩齒九通微呪曰
天真妙觀方諸校仙日吉時合萬願開陳時
清日良我享上恩金書玉字列籍靈軒五帝
敬護四司保神得乘八景凌空神煙上昇三
清朝謁玉晨畢便服天真清靈八景玉符仰
嚙九通止行此道八年則名題方諸青宮精
心勿失剋得上仙
八節乃天上朝會開真大慶之日其時乃萬
神集議諸天大聖天真大神妙行真人及日


月星宿五嶽五帝河海神靈千億萬衆莫不
同時森然而集三日慶會算定天真分判善
惡記功書罪區別勤急功過簿目皆列言九
天各副三宮九府司命上曹大小輕重莫不
畢載學者以其日清齋首謝所犯燒香誦經
願念呪戒上感神明為四司所佐五帝所助
保舉各錄記入玉籍剋得神人下降白日飛
騰也為學而不知諸天有大慶之日上聖有
議集之時不知首謝愆農之法宿考何由得
解罪名何由得脫如此則七祖長淪於地獄
飛仙何冀之有哉春秋二分乃天元判生剋
罪定真觀試萬仙之日是其日自不灰心冥
相專思苦念長存在道身不履非特不可妄
輕修行首謝己身所犯也誓願既定天元刺
簡始終不犯則上仙可待首而又犯為司官
所糾則天元不復受其首謝仙道既逸身為
下鬼可謂罪福之顯由此一日也學者慎而
行焉凡修之道思神念真空洞變化四時形
景求飛仙之要而不知修行八節悔謝願念
呪說除罪定生真法神真遊不可見也思念

希感將難可期於此日悔謝罪無不散神無
不枯呪說之辭發唱而感也如此思神不旬
年而觀真神七祖即蒙長離於三塗幽魂友
形受化於南仙身將無融而騰飛倚空霄而
翱翔也此元始上道松於九天之上大有之
宮依明真科品萬劫一傳輕泄靈文禍及七
玄身無仙冀
靈真八道變化空洞玉景隱符



太極鍊定真靈生符
文出太上變化空洞第一

諸行道求仙思神存真謝罪解過上希神明
感會之恩當以立春之日青華書文東向服
之一枚宿愆並散則太極記名玉簡修行八
年勿失一節太極給玉童八人存思感會天
真下降得見神形致一景之與飛昇太極宮
太極鍊定真靈生符
文出太上變化空洞第一
三五篇中藏之此喻理臺
諸行道求仙思神存真謝罪解過上希衆真




太極鍊定真靈生符
文出太上變化空洞第一
三五篇中藏之此喻理臺

枯護之恩當以春分之日青筆書文東向服之二枚宿愆解散太素題名金札之上修行八年勿失一節太素給玉女十二人存思感會天真下降得親神顏致二景之與上昇崐崙瑤臺之觀



紫微靈都真符舊文出太
上變化空洞第三玉景篇
中藏之紫微宮中


諸行道求仙思神存真謝罪解過上希五帝神仙原枯之恩當以立夏之日朱筆書文南向服之三枚萬罪並消五帝保舉記名丹房修行八年勿失一節則紫微給玉童八人存思感會五帝降形致三景玉與飛行上昇紫微上宮



司命長存符舊文出太
變化空洞第四玉景篇中
藏之司命上宮

諸行道求仙思神存真謝罪解過上希司命度生之恩當以夏至之日朱筆書文西南向服之四枚天上三官削除罪錄司命勅注生

籍修行八年勿失一節則司命給玉女十二人存思感會司命降形致四景之與飛昇司命上宮



中黃八道秘仙符舊文出
太上變化空洞第五玉景
篇中藏之黃房靈庭

諸行道求仙思神存真謝罪解過上希黃老靈丹芝英之道當以立秋之日白筆書文西向服之五枚罪名除散記錄神圖修行八年勿失一節則黃老君給玉童八人自得神丹芝英靈丸存思感會黃老降房致五景之與飛昇黃房靈庭



太微靈都真符舊文出
太上變化空洞第六玉景
篇中藏之太微之宮

諸行道求仙思神存真謝罪解過上希大帝大聖尊神原赦宿罪之恩當以秋分之日白筆書文西向服之六枚則眾神消除罪名注筆玉簡司命度生保命神仙修行八年勿失一節大帝給玉女十二人通真致靈神人

下降所願皆成致六景之與飛昇上清靈闕太微之宮



陽靈靈生符舊文出太
上變化空洞第七玉景篇中
藏之玉清陽臺

諸行道求仙思神念真謝罪解過上希陽臺真人仙官玉女原赦之恩當以立冬之日黑筆書文北向服之七枚則仙官玉女注書仙簿列字金簡修行八年勿失一節真人給玉童八人思真感會真人降形致七景之與飛行玉清陽臺之觀



天真靈寶符舊文出
出太上變化空洞第八玉
景篇中藏之玉清東華太宮

諸行道求仙思神存真謝罪解過上希天真眾仙東海青童君度名錄籍金書玉字之恩當以冬至之日黑筆書文東北向服之八枚則東華刻簡金書於方諸上宮修行八年勿失一節東華給玉女十二人存思感會天真下降致八景玉與飛昇方諸東華太宮

右靈真八道變化空洞玉景隱符出自太上玉篇之中以輔神經之用亦當隨色書繪上佩身八年剋得真人除譴必獲上仙諸行道存思期真上希飛騰散降罪籍上名金簡皆當服符行事凡太歲本命甲子庚申預是修行皆當隨節服符不必在正節之日也修學不得此文罪名不解神真直除去仙甚速有得之者白日昇天可謂變化空洞也

元始天尊說變化空洞妙經

太上昇玄三一融神變化妙經卷上下日歷爾時

元始天尊處於虛無自然玄一七寶之座觀神返想恬遊玄漢普為一切賢聖諸天人眾講揚大法漸頓進退因緣湛寂無為洞觀一切無量法門虛實空有真偽邪正善惡清濁高下貴賤內外文武大小一切萬法無量無數不可具陳各隨其習業所執事相不同乍合乍離乍存乍亡乍來乍去或出或沒乍進乍退乍生乍滅或有或無乍真乍偽或貴或賤乍苦乍樂或貧或富為男為女或文或武時好時醜乍凶乍吉或在凡在聖如此受報無量事相種種因緣不可具說皆因前緣所行一切大小之法修習來報致得今日受業不同不悟大乘無為法教故難解脫住著小乘少知少見心有縛著不解明了頓悟玄理通達無為虛融法性凝神湛照觀行無為而求解脫但只違法住法不識正性本體清靜強生貪著繫縛執著因緣不悟本乘至具无上大道具足圓滿成就一切神力功德智慧

解脫因緣偏見執著強生分別更生誹謗不識理性本來一乘無二暫隨凡化動靜改變因果苦樂不同良由宿世習業今日受報如此

爾時眾中有玄一道君從眾而出旋行寶座擎奉恭敬稽首上白无上大道虛無至尊神智高廣玄通無礙大聖總統一切天上天下虛融道性分無量法門安定空有洞觀一切受報因緣了別事相玄照業因慈悲化度廣開法門唯願善濟今日眾等萬劫有幸宿恩德報今日得見无上大道尊顏敷演法教普願成就一切眾生導引群迷速登道岸俱會大乘法相巍巍功德就統了無為玄解法要大乘根原智德圓滿助道揚化普度天人救拔一切無量眾生普願成就齊入法門禮侍尊顏親承大法供養修禮所願從心功德如願智行俱備唯願廣化一切普登大法唯願成就與道合同爾時元始天尊告玄一道君曰善哉善哉汝今發問至要无上大法因緣甚為深妙難可思議